



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

Magistro Apollinari Clerico venerabilis fratris nostri Archiepiscopi  
Strigoniensis.

**urn:nbn:de:hbz:466:1-20006**

rit haberi, ut si etiam publicus latro ad eam ob tutelam sui corporis confugis-  
set, sub ejus consisteret immunitate se-  
curus, & quandiu lateret ibidem, tan-  
quam innocens servaretur; nunc evacua-  
ta omnino tanta per iniquitatis filios li-  
bertate, non tantum nocentes persona, verum etiam res sacrae & aliae ibidem  
pro securitate depositae, violenter ab Ecclesiæ extrahuntur. Vnde nos, quibus  
secundum Apostolum incumbit omni-  
num Ecclesiæ sollicitudo continua,  
propter tantum discrimen Ecclesiæ ve-  
hementer affliti, universitati vestra per  
apostolica scripta mandamus atque præ-  
cipimus quatenus statum Ecclesiæ, quem  
quem taliter periclitari dolemus, ad an-  
tiquam studentes omnimodis reducere  
libertatem, eos quos temerarios viola-  
tores earum vobis esse consisterit, tam  
nostra quam vestra auctoritate suffulti,  
appellatione cessante, \* terram illius ri-  
gore sententiæ compescatis quem secundum  
canonum instituta in talibus vide-  
ritis præsumptoribus adhibendum; ita  
ut per vos ad honorem Dei & Ecclesiæ  
officij vestri debitum exequentes, quod  
Ecclesiæ sub negligentiæ torpore depe-  
riit, laudabiliter relevetur, & studium  
vestrum apud Deum & homines appa-  
reat commendandum. Datum Laterani,  
XII. Kal. Novembbris.

*Scriptum est illustri Regi Vngarie ut in  
his que pro libertate Ecclesiæ prædicti Archiepiscopi & Episcopi duxerint statuenda,  
suam eis auxilium & consilium impendat pa-  
riter & favorem.*

*MAGISTRO APOLLINARI  
Clerico venerabilis fratri noſtri  
Archiepiscopi Strigoniensis.*

*Epiſt. 389.  
A juramento  
quod Ecclesiæ  
jura defendere  
quis velit, per  
appellationem  
non liberatur.  
Cap. Brevi. De  
jurejurando.*

**B**revi sedem apostolicam sciscitatus  
quod Ecclesiæ servare ac pro posse  
defendere juramento tenetur, si neceſ-  
sitate imminentे sub debito juramenti  
ad hoc fuerit requisitus, & nolens hoc  
facere ad sedem apostolicam duxerit ap-  
pellandum, perjurij reatum incurrat.  
Nos autem questioni tua taliter respon-  
demus, quod in hoc articulo appellan-  
tem à perjurio talis appellatio non excusat, immo, nisi aliqua difficultas obsistat,  
propter quam non possit requisitus Ec-  
clesiæ subvenire, culpa perjurij potius ir-  
retitur. Datum ut suprā.

LITERÆ REGIN. ARCHIEPISC.  
ad Dominum Papam.

**E**xcellentissimo Domino & beatissimo Patri suo Domino Innocentio

*Epiſt. 390.  
Quod causa ini-  
bus conjunctim  
delegata à do-  
bus, excusatio re-  
tio, recte defi-  
niti nequeant*

Dei gratia sacrosancta Romana sedis reverendissimo Summo Pontifici G. humili & indignus Ecclesiæ Regin. minister salutem & debitæ perpetuam devotionis obedientiam. Placuit beatitudini vestræ causam quæ vertitur inter venerabiles Montis-Regalis & Russanen. Archiepiscopos mili vestro devoto Clerico una cum reverendis Patribus Panormitan. & Capuan. Archiepiscopis per literas vestræ sanctitatis committere: quibus debita reverentia & honore suscepisti, non multò post susceptionem eorum me per aliquot dies languor aliquantulus, non sine meorum exigentia meritorum, invasit; nec tamen ut inde mandatum vestrum minus posset perfici vel adimpleri, cum tam nos quam & partes praesentes omnes Panor. fuerimus; etsi meis sociis onerosum videtur forsitan expectare quandiu mei apponenter divina clementia misereri, & nequivissem tunc pro instanti debilitate corporis cum ipsis ad hoc exequendum personaliter interesset, vox tamen & sensus mili nunquam per Dei gratiam defuit, quin possemus deliberatione mutua, juxta mandatum vestrum, diligenti examine causam ipsam inquirere, ac fine debito terminare. Verum jamdicti mei socij infra illud ægritudinibus meæ spatiolum pro eorum voluntatis arbitrio, meam super hoc & eorum sibi sollicitudinem vendicantes, me ignaro & inconsulto, in causam ipsam, secundum quod eorum dictavit consilium, processerunt. Et ne forte in his quæ paruitati meæ ab apostolicæ sanctitatis eminen-  
tia injunguntur, in conspectu mei Do-  
mini palliata falsitas sub veritatis specie offeratur, processum ipsius causæ secundum quod ad diligentem inquisitionem meam certa quorundam, qui interfuerant, approbatæ opinionis virorum & veridica relatione mihi licuit experiri, paternitati vestra duxi præsentis textu paginula intimandum. Hinc est quod cum præfati mei socij prænominato Montis-Regalis Archiepiscopo ex officio delegationis injungerent ut ad hoc quod sibi ab Archiepiscopo Russanen. objicitur, pleniū responderet, & idem Ar-